

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 05 su 11/01/2024

Ogetu: ART. 176 D.LGS. 267/2000 - PRELEVAMENTU DE SU FUNDU GASTUS POTENTZIALIS DE CUMPETÈNTZIA DE SU BILÀNTZIU DE PREVISIONI 2024/2026 PO SA PERÌTZIA DE VARIANTI DE SU CUNTRATU DE SU SERVÌTZIU DE IGIENI URBANA.

S'annu 2024, s' 11 de su mesi de Gennaxu, a ora de is 13.00 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	Eja
COGONI Tiziana	Eja
CONTI Antonio Mauro	Eja
MANCA Barbara	No
PERRA Rossana	Eja
VANINI Aldo	Eja

Presentis: 7 Ausentis: 2

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Postu chi:

- s'art 167 de su D.Lgs. n. 267/00 in su coma 3 narat: "Is Entis localis podint stantziai in sa missione "Fundus e acantonamentus", ainturu de su programa "Àterus fundus", àterus acantonamentus pertocantis sa passividades potentziales, asuba de is calis no si podit impinnai e pagai. De chi est acabau s'esercìtziu, is economias de bilàntziu intrant in sa cuota acantonada de s' arresurtau de aministratzioni, chi si podint impreai cunforma a su chi previdit s'art.187, c. 3. Cundu s'atzertat chi su gastu potentziales no si podit verificai prus, sa cuota chi ddi currispundit est liberada de su vìnculu";
- s'art. 176 de su D.Lgs. n. 267/00 disponit "Is prelevamentus de su fundu de reserva, de su fundu de reserva de càscia e de is fundus gastus potentziales funt de cumpetèntzia de s'òrganu esecutivu e podint essi deliberaus fintzas a su 31 de idas de cada annu;

Arremonadas is deliberatzioni de su Consillu Comunali, esecutivas cunforma a sa lei:

- N. 114 de su 19.12.2023, cun ogetu "Nota de agiornamentu Documentu ùnicu de programatzioni (DUP) 2024/2026 – art. 170 c.1 de su D. Lgs. 267/2000 – Aprovatzioni";
- N. 116 de su 19.12.2023, chi at aprovau su Bilàntziu de previsionis finantziairu 2024/2026 e sa Nota Integrativa;

Cunsiderada sa deliberatzioni, esecutiva cunforma a sa lei, n. 2 de su 05.01.2024, cun ogetu "Pianu Esecutivu de Gestioni 2024/2026 - Arovatzioni";

Bida sa deliberatzioni n. 345 de su 29.12.2023: "Servìtzios de arregorta, trasportu e cunferimentu de is arrefudus urbanus, de is Servìtzios de Igieni urbana e complementaris de su Comune de Quartu Sant'Aleni (CA) - C.I.G.835052600E. Arovatzioni modifica cuntratuali n. 2", chi at autorizau su prelievu de su "FUNDU PO REVISIONI PRÈTZIUS APALTU SERVÌTZIU N.U." (codifica de bilàntziu 20.03.1.0110), po donai cobertura a is modificas cuntratuales chi pertocant su servìtziu de arregorta, trasportu e cunferimentu de is arrefudus urbanus po s'esercìtziu 2024;

Bida sa rechesta prot. int. N. 2491 de su 08.01.2024, allogada me in is atus de ufìtziu, cun sa cali su Dirigenti de su Setori 9- Ambienti, Protetzioni Tzivili Transatzioni Ecològica, pedit s'aplicu de sa suma de € 253.293,92 de su Fondu po revisioni prètzius apaltu servìtziu N.U, chi serbit po donai cobertura a sa varianti de su cuntratu de su servìtziu de limpiadura urbana, comenti autorizau de sa deliberatzioni arremonada;

Bida sa nota prot. 4583 de su 10.01.2024, chi s'agatat me in is atus de ufìtziu, cun sa cali su Dirigenti de su Setori 9- Ambienti, Protetzioni Tzivili Transatzioni Ecològica, mudat sa rechesta po faddina de càrculu, e pedit unu prelevamentu de € 253.640,81;

Torrada sceda de protzedi a s'aprovatzioni de su prelevamentu de su Fondu arremonau, cunforma a s'art. 176 TUEL, po sa suma de èurus 253.640,81, cunforma a su documentu in allegau a custa deliberatzioni etotu;

Cunsiderau chi is atus s'ant a comunicai a su Consillu Comunali, cunforma a s'art. 166 TUEL;

Bius is allegaus:

- All_A1 Variatzioni a su Bilàntziu _ Gastu 2024;
- All_A2 Variatzioni a su Pianu esecutivu de gestioni _ Gastu 2024;
- All_A3 Echilìbrius de Bilàntziu;
- All_A4 Cuadru de arresùmini 2024/2026;

Bida sa proposta de deliberatzioni n. 05 de su 09/01/2024, de su Setori 2 Programatzioni Econòmicu Finantziària – Controllu de Gestioni – Controllu, po s'argumentu in ogetu;

Arriciu, cunforma a is Artìculus 49 e 147bis de su D.Lgs. 18/08/00 n. 267, su parri a favori in contu de regolaridadi tècnica e contàbili de parti de su dirigenti de su Setori 2 Programatzioni Econòmicu Finantziària – Controllu de Gestioni;

Donau atu, finas, chi s'est arriciu su parri in contu de cunformidadi aministrativa, a is leis, a su Statutu e a is Regulamentus cunforma a s'art. 97, c. 2, de su D.Lgs n. 267/00, e a s'art. 4, c. 4, de su Regulamentu Comunali asuba de is averiguamentus internus de parti de su Segretàriu Generali;

Donau atu chi po custa deliberatzioni no serbit su parri de s'Òrganu de Revisioni de su cali a s'art. 239, c.1 de su D. lgs 267/2000;

Biu su D.Lgs. N. 267/2000;

Biu su D. Lgs. N. 118/2011;

Biu su Statutu comunali;

Biu su Regulamentu de Contabilidadi aprovau cun sa Deliberatzioni de su Consillu Comunali n. 29 de su 29.3.2021;

Cun votatzioni a favori.

DELÌBERAT

De autorizai unu prelevamentu de € 253.640,81 cunforma a s'art. 176 TUEL, po donai cobertura a is modìficas cuntratualis chi pertocant su servìtziu de arregorta, trasportu e cunferimentu de is arrefudus urbanus po s'esercìtziu 2024, cunforma a sa rechesta prot. N. 2491 de su 08.01.2024, retificada de sa rechesta prot. 4583 de su 10.01.2024, arricida de su Setori 9- Ambienti, Protetzioni Tzivili Transatzioni Ecològica de su capitulu de gastu còdixi 33830 "FUNDU PO REVISIONI PRÈTZIUS APALTU SERVÌTZIU N.U.", (Miss. Prog/Tit/ Macroagregau 20.03.1.0110), comentì rapresentau in sa tabella in acàpiu a custa deliberatzioni etotu;

De donai atu chi su prelevamentu de is FUNDUS PO REVISIONI PRÈTZIUS APALTU SERVÌTZIU N.U.", no mudat is echilìbrius de bilàntziu, comentì arresurtat in is allegaus A (A1_A4), in acàpiu a custu atu etotu:

- All_A1 Variatzioni a su Bilàntziu _ Gastu 2024;
- All_A2 Variatzioni a su Pianu esecutivu de gestioni _ Gastu 2024;
- All_A3 Echilìbrius de Bilàntziu;
- All_A4 Cuadru de arresùmini 2024-2026;

De trasmiti custa deliberatzioni a su Dirigenti de su Setori Programatzioni Econòmicu Finantziària – Averiguamentu de Gestioni- Averiguamentu Partetzipadas e a su Presidenti de su Consillu Comunali po sa comunicatzioni chi ddi spetat, cunforma a s'art. 166 TUEL;

De trasmiti custa deliberatzioni a su Dirigenti Setori 1 Gabinetu, At. Programa de Mandau, Polìticas de Gèneri, Cultura, Istruzioni Pùblica, Sport, po is provedimentus chi ddis spetant;

De decrarai cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.